

樊

山

集

樊山集卷十七

恩施樊增

西山集

答朱二舍人約爲西山之游

甲申三月

蠟屐經年未染苔
山中傳語百花開
浮名似繭休相繫
漠漠春風試一來

三月十七日入翠微山徧歷諸寺

蠟屐山巔更水涯
清游一日徧蘭閣
萬松雲染峯峯翠
百草風香寺寺花
甃就涼陰逃熱斂
自憐生意出焦芽
游屐最有煙霞癖
歸去城南對客誇

靈光寺二解

穀雨山中尙淺寒
松風吹鬢酒腸寬
悠悠世事吾何與
洗眼

僧房看牡丹

飽餐山滌我猶能欲引鷺黃恰未勝不用冷淘槐葉供自携
餽飪勸山僧

夜宿顯秀山房

窗月籠煙畫不成簾波窳地夜堂清移燈花影疑人影欹枕
松聲答水聲香積喜分禪客供翠微多刻故人名繩牀打點
安心法且莫高譚桂嶺兵

龍泉菴

盤紆陟迴陞古寺闕巖扃到門且小息林樾交縱橫涼風過
松頂飛蓋爲我傾入寺益深秀衲衣喜將迎坐我百尺閣微
煙起茶鑪其下有潭水終日蒼玉鳴俯窺荇藻中照見鬢眉
清吾面雖塵土心與寒泉盟活活五色魚從無鉤餌驚遂令

煩渴土意能常安平回身視壁畫曳履花間行雪獮就涼蔭
美於熟睡嬰佳處不可說澹然怡我情

三山菴

一面當山翠春風屋數楹門香生靜悟飲水淡浮名塔暈團
朝爽松光發午晴羣真疑可接佳氣溢層城

登長安寺平臺試茶

清苦僧厨筍供修偶來初地覓春愁東風最解相如渴一盞
新茶乞趙州

石闌點筆一從容卓午纔敲下院鐘徒倚庭陰不能去奈他
千歲雪膚松

茶罷過南院看花

佛屋東頭徑草荒無多樹子倚莓牆蠅蛸網底紅情薄黯淡

春風到海棠

離門圓處似山家常有臘僧汲井華轉過玉妃行殿側一棚
供聖木瓜花

由林莊換肩輿入山

穩於牛背軟於茵似此春游未算貧端坐山家白木倚黃塵
騎馬是何人

潭柘寺

時內務府集
官方修春醴

五峯丹翠入雲深典午琳宮尚可尋七寶樓臺圍玉座百年
禮樂在珠林簾幃盡出先朝賜酥蜜全消內府金選迥祇
圍香火社天花如雨散巖陰

山中與朱舍人夜話

龕燈一點向人明佛號宣餘恰二更

山中報更以
彌陀爲號

睡裏時驚

山鳥語座中惟覺夜泉清自携霜餅僧前破喜說新詩馬上
成難得朝賢多事日松根煮石話平生

戒臺寺贈寶上人

祇樹規模儼上清斗看金地起層城樓中萬佛

天題榜臺上雙松

御賜名玉殿誰鑪今寂寞珠綃龍藏自光瑩山僧日祝君王
壽傾耳和鸞佩玉聲

題觀音洞石壁三絕

列炬入深險斂躬赴摩廓騙躡大如箕驚飛觸帽落
誰鑿混沌竅我添混沌眉不得破山畫空效寒山詩

戒臺五松詠 活動松

峩峩十丈松倒垂及石縫一鶴踏枝翻全身鱗鬣動轉應得

化機崔嵬乃時棟癡龍倘不靈柴立竟安用

自在松

一松若老人支石坐欹側塵尾埒春風惜惜養琴德葛巾者
誰子背負斜陽立石徑不逢人鏗然響苔屐

蓮花松

蓮臺矗金地翠葆倚瑤岑自抱凌霄節還堅不染心植根玉
井側照影淥波深前世疑龍女長依觀世音

卧松

露臺高百尺便此蒼龍睡偃息一畝間孤光照天地頑嬾豈
不多標格竟何異獨有諸葛君今之眞名士

九龍松

一龍育九子芄芄不離母幸茲頭角齊外禦霜冰厚葉葉坐

相愛枝枝若駢拇愧彼晉獻兒然其爲世詎

戒臺題壁

偶然蹀跡印蒲團桑下原同傳舍看明日打包山下去自收
珠串捲棕單

病中代內勸爲西山之遊

庚寅十月

消瘦維摩病裏身
薰枯應是厭京塵
北來無物酬君意一角
西山尙可人

答內一首

鬱鬱黃塵白日長
入山都學道家裝
不須更覓延年藥
瀾水松風卽禁方

十月六日內人輩奉外姑入翠微山

花能含笑鳥能歌
導引安輿入磻阿
姑射神仙冰雪淨
壻鄉

土物白雲多品題山色須紅粉愛玩溪流似綠蘿油壁車輕
風日美等閒觴詠對沙哥

靈光寺 進退格

扶筇來此聽松風撲盡黃塵冷翠濃得句每題紅葉上移家
全住翠微中瓶笙暖閣娛長夜羊酪行廚足短供莫爲官貧
重乞外病坊安置在琳宮

塔院卽事用前韻

聽盡玲瓏寶鐸風欄松晴黛午尤濃金釵映水朱欄外霜葉
如花翠巖中九朵芙蓉如舊識翠微向稱入大處今併發光菴而九百年蔬筍
是常供小春時節溪雲暖應有南枝發故宮

同闈人過龍王堂飲泉

一段琉璃碧可憐懺愁被病晚霞天玉瓢百汲菖蒲水一勺

明漪壽一年

入山後宿疾良愈

前身夢爲五戒僧住山一日勝住城心地總爲煙雲活瞳人
剛如溪水明朝省龍鍾知幾許盍歸乎來洗塵土肺腑自與
山靈語不管醫師食無所

夜宿挹翠山房讀爽秋詩集

懷中一卷詩松下三間屋此非世間語携就山中讀清若露
下遑勁若雪中竹幽若石罅蘭淡若霜後菊剽若蒼鷹舉重
若巨象伏華若衣黼繡質若需布粟秋月印寒潭看煙起新
木瑤瑟極湘天流泉響冰谷隨我所聞見比方意各足試呈
黃面師微笑若有觸裘褐不勝寒風簾見脂燭坐見窗紙白
去就僧淋宿

君詩如芥茶飲多不得寐冷積肝鬲間軒然雪濤沸缺月墜
星角金甌照墨翠玄爲道家言深與佛理會中夜呻吟聲幽
於風蟬嘒上人憫我勞薦以霜果脆問我讀何書答言黃庭
類聞否木樨香上人不能對

題天游閣二首

請劍無成殿檻修虞廷何日放驩毆安昌未死朱游老京洛
相逢亦自羞

華嚴樓閣起微塵布地金多不患貧一例昆明隨劫火格天
多寶是何人

登虎頭山極頂

百里川原一覽收鬱葱佳氣辨皇州九門煙樹開龍尾十月
山花上虎頭松蓋攜雲何偃蹇塔光挾日欲飛浮平生屐屨

輕於鳥在處名山稱意遊

過三山菴贈理上人

鶴壽僧年兩不知清修得似贊公稀
竹鍼麻線從誰借閒坐松根補衲衣

煨芋爐邊見懶殘黃皮裹骨褐衣單
十年茗帚菴中住只有梅花伴歲寒

由翠微山至戒臺口號五首

棕單收拾下瑤峯不待禪林飯後鐘
拋卻翠微僧一箇撥雲

還訪五株松

余舊有戒臺五株松詠

行李單輕不滿肩
萊妻謝女尙花鈿
風流若使傳圖畫
錯認移居葛稚川

軟輿浮拍賽輕鷗
卻願羸駝在後頭

聞人輩乘肩輿余與內兄騎驢以從
翠袖

一行看漸遠隔林惟是見紅兜

昔年爲客渡桑乾馬上悲歌行路難今日青山載紅粉盈盈
只當絳河看

消搖阿母鬢如銀小庾平生獨見親欲答城樓盤馬意蹇驢
慚愧病中身

恭邸重修戒臺敬誌一首

寺有恭邸
像及詩

賢王發願禮華鬘新自西岑造鳳還世界琉璃眞佛地樓臺
金碧是仙山一時檉柏俱新淨頃刻蓮花只等閒遮莫詩篇
隨畫像香花供奉在人間

戒臺北官卽事

春風御宿久榛蕪花木重新勝畫圖全照行宮舊圖式雲廊
月榭世間無

青瑣宮扉映綠莎
染香簾罽蕩微波
泥窗不用江邊錦
自有連珠孔雀羅

書窗側啟對瑤房
兩面朱欄界響廊
爲道玉階風露冷
莫扶花影過南堂

愛好常時掠鬢雲
捲簾芳麝散衣巾
佛前換水添香了
長有靈芬染著人

玉洞歸遲月似銀
是日遊觀音洞
霜風淒緊一含顰
斷霞雙臉紅於

酒更賭三蕉飲火春

欲持杯玳問靈修
女伴相携上佛樓
斷續莓梯通屨響
知他三上復三休

閒坐金鋪露氣清
蟾光花影不離身
怪來冬夜如春暖
成就香階待月人

頽髻燈前絮語稠
侍兒臨睡撥香篝
白檀灰裏胡桃火
留待天明暖臂篝

重遊觀音洞

秉炬煩深入
谿衍此再經
幽探數往復
雅志測沈冥
驅驅通身白
龍蛇脫骨青
鑄鏡歸造化
誰與繪真形

潭柘寺二首

香火檀林舊
春風紺宇新
幡花宮裏繡
酥果御廚珍
粥饌可十石
麪牀容百人
寶幢誇佛力
金地不知貧

戶牖蜂房啟
龍天畫寂寥
同籠豢獐鹿
分地種松苗
竹翠煙生玉
泉清風過簫
道人相送遠
已度虎溪橋

黃龍洞

亂峯迴合抱
僧門漸入深
幽禮世尊陰
洞古來無白日
砂牀

秋盡得奇溫

洞入冬
轉暖

石鑿猛虎鬚牙狀地有仙人膝蹠痕儘

把身心趨偃仄寒郊詩境可同論

戒壇夜坐看阿雲阿瑞煮茶

細葉秋茶活火煎松間一榻竟忘還左家嬌女十三四頗費
唇朱鼎鑿間

舊青苔地月明天夜冷纔勝半臂絲若待小寒重到此雪香
松白映茶煙

別戒臺二首

懊惱曇林法秀師也如黃九被訶時僧房借得渾無賴題徧
冬郎小豔詩

松月娟娟戀客衣黃塵明日景全非冗官清福難消受山色
留人也合歸

讀雲門西山集題後

李慈銘

昔年三宿靈光寺，永晝松濤一枕知。
身繞旛風孤塔影，手分澗水萬花枝。
時寺中芍藥甚盛，引澗水灌之。樓臺勢俯層城迥，鐘鼓聲傳別院遲。
絕羨翠微紅葉好，詩中畫到九秋時。

卷十七終

樊山集卷十八

恩施樊增祥嘉父

後西征集

起辛卯二月訖三月

將出都門爽秋以詩贈行車中次韻報之

東風融雪花含煙好春去國心茫然贈人以言勝車馬烏亭
鷺堞爭流傳西涼葡萄不用酌懷袖新携珠玉篇君才奇峴
我平鈍大似弇州視荆川瘞木不中廟堂用祇合無爲州裏
著米顛羸馬西行指潼華峯蓮箭箭雄金天青牛坐望關中
氣琴姜非復秦時妍回憶春明師友三君與八顧何異下方
菜傭牛走仰視蓬萊仙飛天仙人萬事坐遺落客至但學龍
牙答話蘇噓禪沈冥金馬尋方朔高論未崖罷賈捐知否簿
書流汗短轅下戴星出入琴無絃感君高義相拂拭強持宿

癯施朱鉛漢廷薦士誰最賢何以李廣不得侯毛嬙失其妍
猿臂蛾眉同棄置手持明鏡一潸然

北河題壁

細馬鈿車路幾千碧幢西引去幽燕井桃淡白清明雨水柳
輕黃上巳天小棧紅螺百分酒繁爭金雁十三絃莫言河朔
風光淺猶有襟情似少年

晚渡沙河

七年駢褐此重來野戍蕭寒晚鼓催雁過霞天書紫字馬行
沙磧印銀杯桑麻深秀牽歸興烽邏精明見吏才已過垂虹
仍拗項夕陽滿地是金臺

過辛興灘數十里夾路皆山桃花孝達師撫晉時所種

也感賦二詩

東風融雪水明沙到此行人不憶家七十二灘等閒度夕陽
如火看桃花

黃泥裹核事何如看到仙花結子初錦障如雲三十里風流
長憶老尙書

徐溝道中遇雨

薄日穿雲露碎金俄看芳靄亂平林茅龍潦倒風扶起野馬
飛揚雨壓沉新綠人家疑罨畫晚虹城堞帶春陰溪山明潤
如湘楚未礙黃鸝溼雨衫

雨後作

雨後東風卻倒吹褐衣猶自溼林霏未飄柳絮飄桐絮不見
鶯飛見雁飛上黨地高知馬健西河春冷覺花稀七年家在
關中住三月香車緩緩歸

自清平以西山水夷曠土田膏沃以詩美之

女桑如幄麥初齊隴口斑斑雉子低芳螳一杯酬上巳新鶯
三月嚙銅鞮春陰欲雨連汾上地潤無塵似浙西風景與誰
共欣賞鹿車還載鮑宣妻

旅中上巳

佳節渾忘身是客北都景物上京同鞦韆幾架梨花雪款段
一鞭楊柳風社後客斟新酒綠水邊人試薄衫紅今年被稊
快人意照影春流碧玉中

賈令鎮雨中午憩

七年爲客過并州倦馬蕭蕭帶水郵春雨茅堂似秋冷兩杯
淡酒喫饅頭

榆次道中用舊韻寄愛伯師

并樹蒼寒接塞雲流鶯三月始知春橫汾乍泛桃花水姑射
重看冰雪人去國不堪芳草送入關纔見綠榆新貂裘典盡
公應笑羊舌從來善賀貧

時資用
頗乏

車行平介間卽事成詠得十二叶

井口鳴鞘度井門帶劍趨出山忘地險行野覺春敷芹蒜連
千晦梨桃動百株夜黃勻岸柳雨綠變關榆細篋籠馴鴿飛
鉛落乳鳧雙犍耕故壘幾騎怯新淤餅冷逢人說驢閒待客
租夜牀詩語俊春市酒錢粗馬客鳴長鈇箏人唱孟珠鶯花
吾楚似簫鼓彼汾無鼓鉞關邊計縣田亦上腴壯懷消未得
憑軾望飛狐

韓侯嶺以西多野廟戲爲俳體詠之

山崦人家露酒旗輕車出險乍平夷畫烏頗記曾經路駐馬

還看已臥碑過客盡愁韓信嶺連村偏賽子房祠龍門表傳
分明在蟲達封留是幾時

臨汾以北水田茆舍花樹明密輒有故山之思

粉壁茅檐四五家秧畦麥稜竹籬笆窗臨戲鴨三篙水門掩
來禽一樹花坐惜春光成晚晚因思丙舍久咨嗟何時真詠
歐陽句一舸聲牙揮釣車

過史村見店壁贈妓詩爲咸豐二年作因次其韻

壞壁蛛絲墨黯然當時娥月想娟娟休言頰暈紅於火不見
紗籠碧似煙酒盡丁娘惆悵夜詩吟王子亂離年白頭乞食
如相見悽絕茅檐濯足天

河東旅次書見

舊井時聞轉轆轤廣庭狼藉布殘芻電竿新立便郵訊煙禁

微寬罷省符鉅鉞貯泉趨渴馬單離餘飯下飢烏瓦盆一酌
茅柴酒也抵青絲白玉壺

涑水感懷寄廣雅師鄂州

黯黯塵衣積雨斑涑流如鏡照孱顏分明鳴綠春江水依約
糜青夏縣山疏記舊聞三管在追陪獨樂幾時閒平生枉作
溫公客華髮猶沈掾吏閒

樊橋午憩

時晉撫赴滿大閱余
躡其後館宇加飾焉

樹屋東頭井幹西綠陽風裏駐輪蹄店門花撲鶯兒酒水曲
芹香燕子泥印烙分明春戍馬冠蕤岸異午牆鷄爭傳大府
春蒐去猩色桃符在處題

大風渡河

相余河伯水中神聞闔風來白日曛鷁過天邊焉用退虎行

地上自能文平臨玉女峯頭雪迴睇王官谷口雲滄海橫流
都見慣射蛟何事水犀軍

過華陰廟作

開名萬壽鬱崔嵬坐對三峯近紫微漢柏龍形從古瘦唐碑
蟬榻至今肥歲時望祀風猶古羈旅登臨興屢違依舊騎驢
過赤縣故人應是候驂駢

敷水驛食冷淘

柳花如雪午陰涼新摘槐芽入嫩湯三月春風敷水店一盃
淡綠冷淘香

淥水集

起辛卯四月
說十二月

酬西屏見贈三首卽送之富平修志

灞柳依依雨換春春明游倦卻歸秦一揮東海連鼇手重見

南山射虎人病起酒盟殊冷落別來詩語更清新雍邱蘇米
相逢處對案揮豪若有神

漫以英雄許本初臥樓豪氣未全除叩門劍客兼琴客插架
兵書閒道書江上草堂殊未就山南豆隴擬親鉏宛溪遙接
東溪水頭白還鄉學種魚

頻水東頭岸角巾拋書時與釣徒親湖天正熟花香藕釀法
猶傳石凍春山水入君詩裏畫風流還我幕中賓潘郎尙有
栽花興說與當年舊吏民

原作

譚麀

去來三載繫離思把袂先看別後詩萬里客程經海國
百年文物盛京師吏民久戀樊新野詞賦羣推杜牧之
一卷紫泥酬唱草黃公鑪畔不勝悲

君與陶翁中丞合
作黃公已歸道山

百尺高樓孰並肩元龍豪氣邁群賢閉門自有千秋業
負郭都無二頃田龐統功名非縣令劉綱夫婦本神仙
平生落落雲霞契皓月清風任往還

舊社風流不可尋誰能海上辨瑤琴蘇黃書畫欣同調
韓孟文章結素心到處箏琶傳豔曲幾人山水解元音
宣麻三百圍長案茗椀霜毫好共吟

題孔少瑛夫人募隸圖

夫人爲孔繡山先生女母朱安
人工曹全碑夫人傳其筆法故

以名
圖

漢學延緣到翠蛾外家亭榭渺微波輿軒葑谷風流盡奈此
書生不櫛何

少小簪花格已諳北堂春去荻灰寒玉臺副墨分明在留與
金鑾作樣看

夫婿翩翩在上頭烏紗白騎古同州雙飛真到曹碑下三日

摩挲駐碧油

曹全碑在邵陽同治間
夫人所天適宰是邑

老去孫荆百慮空畫圖省識舊春風好將鼎足釵鉤樣刻入
終南紫石中

伏日過借園

游巖雅意愛林泉園樹濛濛散綠烟出入一奴羸馬後從容
斗酒曉鶯前雨簾雲棟人忘暑樓影花光水映天比似肩輿
看竹事深憐吳下主人賢

家人遊借園歸爲賦其事

摘果穿林興有餘長廊佩玉過徐徐經年雨洗池邊竹盡日
風吹架上書羅幕金泥妨宿燕板橋紅影聚行魚圓了最有
澆花暇更闢雙畦學種蔬

長安七夕

長安兒女望銀河置酒虛堂嘯也歌秋後茶瓜風味淺雨餘
欄檻月明多薰鱸薄晚添生麝衣袂新涼換熟羅一榻南簷
成久坐不知清露溼庭柯

七月八日節署寫懷贈鹿六公子

坐閱文書晝漏遲秋來不獨井梧知竹陰尚伏三庚暑花氣
疑通百子池

署中水竹其佳

石徑經年行藥地珠簾昨夜看星時誰

知儉府紅蓮幕更倚青葱玉樹枝

擬明季三案詩

梃擊

蠱毒妖書謗未休青宮白梃更相讎披猖圍犖成何事肘腋
驪戎政可憂兄弟故應憐白象君王不用悔泉鳩從容爲賦

黃蘗勝國誰爲李鄴侯

紅丸

侍臣催喚進紅鉛椒掖俄驚玉几寒方士競言蓬島藥皇情
自信鼎湖丹御牀輾轉傷魚腹廷論紛紜諱馬肝比似春秋
嘗藥例德清欲避董狐難

移宮

給諫堂堂叩九閭鸞宮禁即長門金輪共戴非臣志鈎弋
長生是主恩幾見野雞危少帝不留飛燕啄皇孫披香甌水
知何限別有茄花蔽至尊

樵也吟三案詩甚苦再賦三首廣之

挺擊

少海風波極苦辛狂夫狙擊駭廷臣獨孤立廣非無意二五

危申亦有因良娣漫施摘瓜手戚姬終憚采芝人
匆匆具獄平臺上不對天顏廿五春

紅丸

口詔忠臣進秘方閣臣列侍盡倉皇誤疑一點丹心鍊豈意
千秋玉几涼不爲遺弓誅柳泌徒煩請劍斬安昌春秋九世
讐應復闔樂同天詎可忘

移宮

舊侍先皇百子池貞臣深斥武昭儀乍開暖閣前星出坐見
長門冷月移定策艱難高霍孟撤簾力量過韓琦噉鸞宮井
秋風入帝女黃襪亦可悲

曩謂南令趙君得孤雲處士所畫十賢后妃圖以眎余
頗有驕色時余方居憂私念我若得處士畫他時亦

必宰涓南未幾果得處士金明池圖卷視趙畫尤工
絕也今年服闋還秦趙適以事去官尋卽物故台司
以余承乏事之前定若此感賦一詩

果然官爵似携蒲神畫通靈信有諸筵上幾曾求趙壁夢中
何意奪溫輿世傳得馬非翁福齋署盤龍合我居千畝琅玕
教作主春風讀畫意何如

官太守召客牛頭寺僕以事羈不果往因檢已丑舊韻
奉寄並悼杜石筵前輩二首

出郊華鬢織青蔥難得英流煮酒同畫手著君邱壑裏爐香
伴我寂寥中清遊總被官身累往事都隨梵念空終傍杜祠
營二頃稱詩長有草堂風

淡泊僧廚屏薤葱昔游杜子幾宵同飄飄旗鶴歸天上歷歷

亭臺似夢中郭况再傳金穴盡蘇髯一出玉堂空

石翁家號素封今亦

貧矣城南卽是州門地馬策蕭蕭避北風

寄雲生蓋屋

北不識盱眙南不識蓋屋曲曲山水閒猶是黃農日近來覺粟盛履畝稅其一

近令種煙者畝出銀一錢

亦猶行井地選擇而使畢曉

以張儀舌佐以枚乘筆歛然風草應捷若桴鼓疾定知悍俗化似變踰淮橋既課東菑耕尋抱南堂鄰廊榭各精好花竹交綺密白鶴行將雛立猿坐擇蠹時出金石聲鏗鏘中鐘律客從二曲來顧我環堵室爲言新令賢日耗十分力案牘損其三讀書居其七

寒夜卽事

衣桁東頭倚畫叉閒燒脂燭照煎茶青編殿本開芸葉素樸

官密薦木瓜尺牘與人貪作草雙瞳入夜欲生花清吟偶仿
松陵集錯被人稱似白家

雪中觀劇

衣纓蕭蕭聚東堂坐見瑤臺門曉妝美酒十千開玉案飛花
五萬趁霓裳障泥半溼金騾裏過錦都騎白鳳皇見說金吾
寬夜禁豸衣星幃有輝光

是日廉訪臨
甘肅主司

香獸燒殘畫轉清露臺遙引步虛聲簾櫳花雨紛紛落環佩
天風細細鳴樂府可憐朱敝玉舞人應是許飛瓊風流令尹
還多病翠被寒深夢不成

長安令以
疾不至

寄敦夫前輩都門

君家驄子瘦何如三館多閒閉戶居釵索挂來青玉鳳酒錢
質與紫金魚駐顏不假長生藥養目休窺夾注書憶否故人

臨緊縣應官走馬一年除

余時做署咸甯

臘八日寄懷恣伯師都門即用去年是日唱和韻

花鏡對淪綠昌明屐齒難忘隔歲聲
藥裹拋來箋素問梅花發後譜紅情
關中自望青牛氣闕下人知白虎生
依舊雪窗齋粥罷不教蠻榼遞新晴

賀友人納姬

使君心事點癡閒碧玉初來一破顏
掌上輕盈香扇墜懷中鉤鏤玉連環
佳名自小稱秋水秀黛從新畫遠山
從此放衙須晏起肯教繡被一春閒

萬年集

起壬辰正月訖癸巳二月

辛卯臘日台司檄署咸甯壬辰元日視事卽事書懷二

首

南山重進萬年觥

咸甯在唐
爲萬年縣

新捧台移覺眼明京兆尙嚴原

漢法履端受事用周正桃符更換隨年例

今首邑者率
一年一易

竹馬

逢迎亦世情往日潘郎親種樹一時紅紫滿春城

大似河間借寇君爭從槐里識朱雲吏人頗訝添新籍學舍
多能誦舊文挑觀漫尋前道士霸亭重認故將軍朝叅已了
公家事琴閣惜情對寶薰

卽物一首

卽物觀生理芳風入綺寮修蘭舒夜箭繁杏發春條紙閣添
縣密金扉動了佻垂簾屏塵事薰火一爐消

華清

玉珂風際鳴拂曉入華清御水名連理宮花號助情來騎沙
苑馬歸聽灞橋鶯三就溫泉浴脩然覺體輕

壬辰清明日寄爽秋同年都門

下邳初綻紫桃英風物令人憶
帝京華髮漸西老居士春
明一十五清明

次韻答爽秋見寄

都亭分手過春分
麈尾元譚久不聞
枕上支離茂陵雨
馬頭慚愧華山雲
杜韋花發渾無賴
蓮勺陂荒漫繼勳
獨羨漢廷容汲直
金坡長揖大將軍

山家

性如麋鹿愛山家
遙指中南石徑斜
淺碧生鱗蝌蚪水
深紅初蕾杜鵑花
門餘昨插清明柳
竈有新烘穀雨芽
若箇茆菴風磬裏
轉珠台目誦楞伽

雨中過韋曲

溪雲如幄雨溟濛心與靈湫默默通沙柳半黃遺半綠山桃
能白復能紅甯無媿婦知蘇軾亦有諸生候馬融歸去卻愁
詩婢笑袍鞞今亦在泥中

壬辰三月初九日禱雨入終南山夜宿演法堂平明偕
秀上人登五臺絕頂禱於圓光寺下至五馬石取泉
而返

春雨不成膏農田坐憂旱徒步入南山殷殷示雷電

是日出
城即雨

既雨還復晴風花飛面旋麥將馴雉入柳逐鳴禽變懍彼城

中人有如駒在鞞眼明出東郭綠陰何葱蒨可奈泥中行腳
靴起重跼余豈徒自苦徵諸古謠諺三月一尺雨十錢一斗
麵

諺云麥收三月雨又云鄉人要食麵八
十三場雨謂八月十月三月宜雨也

余本山中人願爲纓冕絆筋力坐消磨日行百里半林日晃

明金晚鐘出僧院一衲前導余願同香積飯入戶覺森麗石

壇花藥亂芳茗淪幾旗幽蘭開一箭壁有故人書鄭太守書野鶴軒額

篋有高士傳僧言午前雨麥壠醍醐灌世尊大慈悲願官勿

憂旱小坐已成適聆言發深粲王謝愛支公故當有同見

平明起薰沐筇杖助登躋活活田水聲是爲吾本師夾徑松

柏香閒以杪櫺枝季春葉始秀青玉交參差十步一樓閣步

步青雲梯自下方至臺頂號二十里湯房五十餘所引手攀林羅濡足怯冰澌

山僧勸小休半道力已疲飲水食松子聊足飽我飢猛進陟

天門五門雲蔽虧初爲朝天門稍進爲一天門至四天門而臺頂不遠矣但覺衆山小

意與青天齊大石屋言言狀若龍象獅寺樓黃金榜日射光

陸離玉座觀世音傑鬢交頷頤觀音多現善女身此獨蚪鬚團蒲肅瞻拜

焚黃致言詞闕中昔蘊隆至今有流移十日倘不雨麥田如

坼龜河北災已成河南亦自危願以楊枝水化爲功德池不
作火中蓮俱爲露下葵大士本少昊菩薩卽仲尼儒墨無二
心覆幬同一慈拈花寂無言神籤露天倪錫以五馬泉盛以
青琉璃豐隆及列缺各各相追隨百拜謝神貺甘霖須及時
頌聲出金石茲事臣能爲願廣甘澤謠敬獻豐年詩

四月三日約客杜子祠看牡丹半爲雨阻余與西屏誠
齋流連竟夕翌日乃返西屏賦詩四章卽次其韻

鼠姑時節曖清陰馬上黃塵不敢侵蓮社酒朋春後健鳳城
煙樹雨中深青衫白騎無拘檢乳燕鳴鳩盡好音差與虎溪
同故事三人來照水如襟

未要山僧管送迎拾遺祠畔踏莎行花因著雨無多子山亦
如人太瘳生嚴武牀敷容踞坐襄陽田舍罷歸耕文章千古

應同慨煙草樊川倍有情

安排枕簟拂牀塵蘇米談諧雜笑瞋花最風流堪藥壻人因
蕭灑署茶神廿年戎馬關山迴九死賓朋涕淚真話盡滄桑
脂燭暗屋梁落月自相親

翠竹圍牆閒白沙歸從杜曲問桑麻綠楊村落快人意青杏
園林換物華倦馬泥中如退讓鳴蛙水際似矜誇入城尙帶
煙霞氣坐諷汀蘋罷晚衙

官舍十六韻

板屋秦風舊蘭臺楚製殊拂牀安夏簟埽徑闢春蕪顧盼方
成適眠餐坐自娛烏名紅綬帶花號玉盤盃鏡鼻蟠雙鳳釵
頭列九雛柳柔方女手硯細擬兒膚有牖皆雲母無燈不夜
珠書黏妝閣粉衣惹印牀朱婦織迴鸞錦兒緝打馬圖古香

披閣帖秘色鬥宣鑑讀畫炊金碧徵歌愛綉襦
眉標北苑簾額繡西湖巾薄從憶酒甌香亦點
酥苦茶烘晚竈淡菜出春廚縣緊翻多暇官卑
恰未粗詩情和宦境得似樂天無

春日有懷吳越之遊寄栗園杭州

最憶吳船雲母窗與君三月聚江鄉
谿頭坐得桃花滿竹裏行廚淡菜香
寶石諸山迷近遠烏衣羣從半存亡
臨池一訊顛張旭寄我龍蛇草數行

題家書後寄廉兒

江鄉底物繫人思沙白苔青四月時
梅熟齋林何磊落燕生新羽故差池
草堂券就輸官稅蓮社書來有和詩
多少葛天真朴意此情惟許阿咸知

寄畬朱曼君

銘盤

孝廉金州軍次時下第東歸

角巾長揖冠軍侯，側席如聞問馬周。才比碧雞坊裏俊，論推白虎殿前優。難消尉繚縱橫氣，且學琴高汗漫游。明發東方千騎上，樓船笳鼓向金州。

閏六月十四日阿閩生平之飛章見賀，卽次其韻。

家世凌煙褒鄂姿，桐階又見發新枝。但令膽略堪爲將，不用聰明更解詩。游履吾應爲汝累，懸弧兒轉比孫遲。試啼何意逢溫嶠，珍重驪珠入手時。

王季遠編修來遊關輔，枉詩見贈兼賀添丁，卽次來均。

奉酬

早識英名二十年，珠江交臂又秦川。來從玉宇瓊樓地，相對清風朗月天。瓊帖敢當循故事，鉢單原不異師傳。

君與余同出孝達師

門下燕南鄂北多朋舊，屈指晨星一慨然。

久盼商瞿五丈夫君來欣看戲嬰圖耕田識字能勝否竹籐
荷花有驗無事見容齋筆記不用園林貽草木永無災病謝萱蘇邇
來漸少搏扶意祇合歸林學哺雛

再寄栗園宜昌

東谿一水帶茆堂三十年來住此鄉畫紀舊遊天竺寺書臨
新婦地黃湯芙蓉一世無眷怨蘆葦常時出異香自與伊人
江海別橘林三見洞庭霜

曉起

九月十三日

曉起湘簾碧四垂閉階檢校綠苔滋雨聲一夜清如玉洗落
芭蕉葉上詩

漫興二首

睡起黃紬日正遲茶甌畫牒映花枝琳瑯文字唐鐫石金碧

樓臺宋刻絲硯愛烏僮新洗後香憐紅袖乍添時如鱗案牘
參差了難得官身不廢詩

難得官身不廢詩
難得官身不廢詩
茶煙出戶遲玉版箋臨元院本泥金扇寫宋宮詞玉缸酒熟
黃花近教補東頭小竹籬

題鄭蘭坡中丞

英紫

所畫蔬果遺墨爲小坡公子屬賦

一枝六出薺荀花一彎秋藕黃玉芽斑斑駁駁紫竹笋磊磊
落落青門瓜其餘甘果鮮可飭輪囷湧出潘郎車初疑畫師
弄柔翰豈知開府森戟牙憶昔三秦歸鎮撫劍客奇材滿庭
戶回鶻羅拜眞天人輕裘蘇合銅牙弩笑談坐卻千熊羆駟
染煙墨猶爾爲至今故吏抱遺墨寸紙不啻璧與珪此冊流
傳白蒲阪

公晚年居
曹時畫

蕭疏興寄江南遠茶磨山光照座來藕

香菱白縈心眼

見冊中自題

由來茲事須識真鉅公游藝古有聞

歐陽金石已著錄端明書畫雙嶙峋心知甘苦與失得遘材
往往盈其門高牙大纛累百輩致兼風雅知何人老輩風流
今不再鳳雛淪落丹山外珍重平泉草木香忍飢莫共青山
賣

爽秋遠寄安般箴續稿吟諷竟日輒書其後

多君遠訊折疏麻蠶尾刊成淡愈佳素牒晶鹽薦梅子深房
苦蜜近梨花眼如秋水盱千古筆有洪饒鑄百家不獨西江
傳法乳時聞真諦出楞伽

寄懷悉伯師都門

獨立南臺簡有霜帶盤移孔轉輕強繡衣玉斧神仙骨坐閱
貞元到會昌

年年柏酒祝長春，生後東坡未浹旬。今日雪堂修故事，紫裘腰笛是何人。

朝回花下對爐薰，小袖藍羅一段雲。閒把禪心試琴操，含詞

微及鮑參軍。

謂敦夫

元亭側對寺門開，蔬飯清言日日來。辛苦當年楊右衛，向來

不坐已言回。

公居保安寺街，曩在都與王水部每日一詣，余至必竟日談。王至少選，卽去。

用舊韻寄敦夫都門並憶漁竿東歸

二紀聲名侍從臣，浮沈金馬見天真。宦情黯淡茶煙綠，世事

消磨竹葉春。書鑱筆牀皆舊玉，薰爐錦帳有新人。士龍一權

江東去，最憶秋風雉尾尊。

再用春字叶寄調敦夫

地迴朱樓遠，天寒繡被春。垂楊宮裏樹，春草意中人。玉鈿雲

製海遊躑月樣新木天有清俸未是賈珠貧

菊潭行

爽秋製此題且自敘云桃源事經名家題詠遂爲人
聞異境獨南陽酈縣菊潭之名見於史志無人能談
張其事遂名字翳如云云昔余初入關嘗賦桃花源
詩以見志比再蒞咸甯益迫迨無驩悰讀君此詩欣
然慕效又其事出荊州記益觸懷土之思異日拂衣
東歸買山招隱徜徉於花黃水碧閒爽秋倘能扁舟
過訪乎吾知此樂南面不易矣

菊花潭水漢時春飲水餐花多壽人高下田疇俱種秫等閒
桑柘自成村千木黃花千尺水花香在水甘如醴汲飲心知
勝玉漿甕和猶得同甘杞臨水開門風露清生男美好女聰

明中壽百年無疾病家常兩膳足魚牲煙波不數羅舍宅行
歌近接銅鞮陌子弟能文罷制科田園歲稔無兵革繞潭樵
汲三十家半種桑榆半種花已共門冬浸春酒更隨芳露點
秋茶人間一片蕭閒地柳蓼花穠百無事舉世由來水最清
官家惟有花無稅後來草木競輝光貢篚星馳入建章天子
徘徊矜蜀柳相公忠愛進姚黃此花隱逸羞臺閣平生不入
南陽郭秋風萬箇黃金錢肯向西園買官爵高情那得合時
宜水畔籬根見幾枝聚族總爲陶令有捨身惟救楚人飢伊
余再插紅塵足二年不飲秋江淥屢欲東園問紫芝亦思同
谷尋黃獨忽憶荊州記襄人幅巾藜杖古潭濱何須丹藥才
延壽不是桃花也避秦抽簪早晚歸田里手弄清波掇芳蕊
嬌女收香入枕囊小兒垂釣供魴鯉南陽南去峽江東尙有

瓜牛一畝宮莫道伏龍鳳雜事但從桑下認龐公

送李雲白赴盤屋任

太乙名山氣象尊邑於其下卽桃源石樓老衲迎仙吏白馬
春波繞縣門書畫米顛傳米虎詩歌桃葉和桃根風流莫當
關中看猶有江南意思存

讀西屏雪詩頗及當年兵事奉和一首

十萬瓊瑤破曉來少年豪健覺心閒雪深紫塞鞭驄出風勁
藍田射虎回淮蔡夜平關氣數洛陽盡臥是奇才如今閒卻
講鷹手自寫消寒蝶癖梅

晚出詣客馬上作

窄袖籠鞭興未孤押衙阜帽罷傳呼晴簷煙雪殘猶在遠岫
風霞淡欲無京兆街頭頻拊馬延秋門上未栖烏誰知靴版

郎當客猶解金龜付酒壺

是白清寒小集

壬辰嘉平十七日迎癸巳春用舊韻呈傅羹堂

汝梅明

府

青旂交彩仗殘歲接韶春錦簇風鬃馬蟬媽露輶人一牛壇
颺肅萬象郭門新爲報玉堂侶勿憂金穴貧

賀西屏生子

六十三翁似簡齋蘭芽新萬映庭槐楊枝老去誰能放仙果
遲生定自佳從此琴書堪付囑一時戈印預安排蓐房春煖
梅花白長遣臣冠掛玉釵

楊童子年才十一作雪柳詩解用白眉事惜其語未渾

成賦此示之

窈地長條軟玉搓盡將輕粉換愁蛾騎驢身世銷魂否飛絮

園林奈冷何松竹友朋青眼在攀梅兄弟白眉多曲江花發
春波綠坐見東風蕩綺羅

冬夜飲梅花下示內

新酒鶯黃飲不醉煙鉏鴉鶻舊曾携別名花譜稱清友韻事
閨房署小妻翠袖微寒枝向北朱樓臨睡月平西金尊歛盡
無愁思莫認傷春背面啼

感興

望火游神清眼中人間真有信心天翁功名大似黃紬薄世道
惟餘白髮公棣學浮沈嘆猴馬杜陵靜觀警雞蟲消他幾斗
長腰米賺得冲霄鶴在籠

飯飽惟調陶令兒不齋仍對太常妻銅瓶小朵開真臘錦匣
名香貯狄鞮世事漆圓方竹杖宦情蒸熟紫花梨銅符封裏

無公事且可詩囊付小奚

癸巳元日示趙寶衡及中兒

載路簪裾謁上公，歸來清旭映房櫳。
中南雪盡諸峯碧，太史雲書一朵紅。
荷葉半盛剛卯玉，花釵多綴吉丁蟲。
笙歌大有承平意，好爲蒼生祝歲豐。
慈聖俯觴雨露偏，絲綸旦下紫微天。
諸夷測海漸華俗，五嶽燔柴起御煙。
相國千秋炳金鑑，士林萬選出青錢。
曲江舊物惟紅杏，待付誰家美少年。

正月初三夜見月

第一番相見，蛾眉如許長。
延緣松際白，隱映柳梢黃。
素几羞春物，輕裾禮夜香。
莫將燈樹子來競，素蟾光。

巖六溪院長

玉森

以歲除前一夕對雪詩見寄次荅一

首

君時主恩
翔書院

夢寐相望寄短吟開緘疑有雪霜侵孤踪海內逢張儉俠氣
胸中識季心偶着深衣猶魯製每聆講義愛吳音情知此夜
思親夢直與東湖水共深

第六句一作偷
編語錄用吳音

春初簡李蓋屋

放衙剛近試燈期人日題箋百樣宜喜氣鳳銜天上詔

君時
晉五

品閒情驛遞雨中詩庖丁競具頭番笋稚子偷翻隔夜棋莫
以塵勞妨夙好焚香長有淡吟時

卷十八終

樊山集卷十九

恩施樊增祥嘉父

紫蘭堂集

癸巳二月十八日到渭南任賦示僚友

事同黃汝小量移水竹中間借一枝

陸詩先尋水竹渭南村

羸疾向崇

黃老術土風惟詠白家詩栽花鄭重移根後取果逡巡自落
時我是曲江堂上燕人間鷹隼莫相疑

再寄六溪院長並訊鳳翔令張育生同年

講壇疏杏發深紅隱几虛堂百慮空皇甫文多高士傳軒轅
詩是道家風

君嘗爲衛山道士

茶煙惹鬢春風裏名紙生毛積雨中

依舊東湖新水碧可無賢主繼蘇公

雲生柱顧署齋流連信宿縱筆十首

錦里翩然烏角巾東來一笑撫牀塵清言不誤公家事政爾
風流勝晉人

抱琴新自曲江來十萬琳琅篋未開除卻使君誰得似異書

佳硯滿高齋

同寅中藏書最富獨君與僕耳

舊夢巴山早喚醒東風何意聚池萍南檐一晌梧桐雨難得

藜牀對面聽

君到人閒五十霜孔融身世極蒼涼相逢且盡尊中酒一任

人輕盛孝章

屢移腰襜沈休文官舍蕭寒對夕曛塵拂巾瓶親檢點不將

衣櫛付朝雲

時君方獨居

頭白桓譚手一編南山白額避弓弦入關最數蘭成早一話

滄桑四十年

謂西屏

嶽蓮大路入青冥，閣道相望接使星。
顛倒王郎隨手版，人生不合上都亭。

江上青山寄夢思，上牀洗腳定何時。
牙齋卽是雲門寺，掃地撞鐘好住持。

少日詞壇頗近名，今猶染刺逐時英。
筵師本領能多少，重與殷勤唱渭城。

官傍貧舊谷口移，君將之洋縣任春風食筍坐相思。
雙魚定自炊人意，到及湖州晚飯時。

題王翰編南泉圖仍用見贈原韻四首

曾聞雲液可延年，別業分明似剡川。
十里桑陰縹繡候，一溪花片種魚天。
玉瓢出入身常佩，丹訣沈冥口不傳。
見說錦衣歸里日，南泉花鳥盡欣然。

一入蓬萊近五年，襄州無改舊山川。
恰從紫府三清地，迴憶仇池小洞天。
花木且憑鄰窆看，詩歌偏被內人傳。
故山猿鶴誰爲主，月夜思君一悵然。

苦羨東都二大夫，幾時眞入耦耕圖。
孟亭花事今多少，酈井泉香近有無。
溪女含情供鯉尾，道人相勸飲雞蘇。
抽毫待續荆州記，人物於今有鳳雛。

箸書吾亦愛潛夫，徑欲從君入畫圖。
嗜讀一生同脈望，懷歸終日看文無。
好將易理探癡叔，君自號如此莫以泉名屬老蘇。
待得鹿門歸短屨，山猿生子鶴生雛。

寄懷李少舟 端樂 大令長安

出入蓬萊各有因，青袍同現宰官身。
碧雞才調知名早，金虎山川入畫新。
時兼浙東西與圖 祖席清詩蠻府語，
侍兒纖手鳳州人。

古來京兆扶風地吏最應誇似漢循

君籍貴州時
折調鳳縣

消夏八韻

茵閣蘭堂清夏氣幽人於此事花嚴數峯海嶽菴中石一幅
瀟湘水樣簾癡燕窺魚頻拂沿靈蛛抱蝶久垂簷素馨小朵
差宜茗青子餘甘莫蔗盟手硬喜書生紙澀胃和能受熟香
甜花枝亞處安琴几梅醱生時曬藥匳自度曲多題白扇舊
藏書盡押紅鈐方牀睡起還無事坐聽銅龍報午籤

西屏倒疊消夏韻見示奉贈一首

渭北春天逢杜甫高齋抱膝閣圖籤有時象戲輸龍綺久已
兵書謝虎鈐三絕碑前苔蝕字六姑泉上月開匳偶來供佛
燒黃熟小試游仙夢黑甜報我詩如青玉案味卿言似水精
鹽鬢絲鏡裏辭刀鐻世事花間側帽簷天祿閣書中夜斟澄

心堂紙古時簾老來寫畫尤難得肯付人間買與嚴

界之兩疊前韻奉同二首

酒材已費公田黍食料頻供內府籤因揀秘方開藥鏡爲烹
新水發茶鈐鳥啣墜果穿書幌蜂趁飛花入硯匱醬瓿光陰
徒自苦蜜房精力爲誰甜宿醒每困扶頭飲新曲休翻刮骨
鹽古調獨彈琴百衲時宜不合帽高簷約花欄檻多臨水待
月亭臺盡捲簾中有倚樓人弄笛好將詩律鬥清嚴

樨禪定後纔生慧瓜戰酣來未解嚴蟬翅薄於秋士鬢蝶衣
不礙夏侯簾間房幽草通衣桁小徑飛花上笠檐建餅細煎
疑雪乳郭筒冷飲勝金鹽

五加皮一名金鹽

一宜情似菊無妨淡書味

如餉別樣甜荷露沁脾釣酒渴松風吹夢枕碁隘衣將茉莉
新香染詩待葫蘆小印鈐知有同聲千里應急按佳句報郵

籤

秦秋伊丈歿已數年偶檢勉鈕山館遺集愴然賦此

好詩冰雪照人清此亦中郎舊典型前世爲僧三竺寺古人
尙友二薇亭艱難一第頭先白投謁諸侯眼盡青一白重陰
埋玉樹江東不見少微星

仲修先生贈人詩有云故國山川尋越紐在官罪過寫

唐文語人曰此樊山體也感賦一詩

久從正始著英聲降格何緣逮永明許用晦詩甯足重寶儀
封體不相輕元微之嘗效寶儀封體肯將妝束隨時世且染髭鬚學後
生至竟夷光天下美任教齟齬亦傾城

官舍卽事

渾欲忘城市垂楊繞縣門奚官通馬語樂府效禽言小結支

公社頻過庾信園老翁求判牘醉墨學鴉翻

奉懷定興中丞二首

黃圖玉節兩番持父老三秦認鬢絲量大難窺公喜怒地高
眞繫國安危傳家自有甘棠笏破賊惟消別墅棋華髮東
都舊賓客感恩重寄晉公詩

一出承明箸過秦兩從東閣接華茵心憐阮瑀猶書記人忌

顏竣在嬰津五翰林俱移善地八司馬總號陳人兼謂羹堂
少舟勝谷

育生諸子孤蹤自信扶持力贏得河陽滿縣春

寄仲羹江甯

厝城江練逼人寒賢令東來每聚觀眉嫵古今同韻事頭銜
彼此尙粗官棋和鍾阜殘僧賭山向秦淮畫舫看見說風蝗
都不害柔奴妝閣亦心安

少日追從若靳驂今於渭北望江南未嘗別業王官谷且署
齋名老學菴東馬摧頽俱玩世白劉嘲戲各生男殷勤爲囑
西來雁書問須教月二三

夏日寄題越縵堂二首

蕭寺爲鄰直闕齋習小眠功名綠蒲上歲月紫藤前舊玉雕

琴爪明蠶製笛細何似善歌曲青鬢亦蕭然

謂朱生

畫臥南堂雨新涼半臂加禱文成水藻箋樣仿金花賈本叅
潭帖眞香淪井茶不無天際想跛腳弄琵琶

敬夫前輩晉國子監司業寄賀一首

翰林典教副成均璧水衣冠蔚若雲北學風高南學競右師
名重左師聞

唐以司業爲左師右師
二人滿漢分領事多決於漢司業云

國朝司業門生盡挂

金閨籍侍史多諳石鼓文國子先生前事在絳桃春色要平

分

寄懷王可莊同年鎮江

手携一鶴下瀛洲如此江山繞郡樓絕島尋盟來鬼國

君到任卽

有教新亭收淚看神州諸公誤國同夷甫四海論交共子由

謂旭北府六朝形勝地二年螟虺費深籌

舊事金鼇記不全宮袍猶染御爐煙秋風桂籍三千士

君三

典第春夢蓬山十五年門下龍爲高帝子扇頭蝶是太常仙

君在京時太常仙蝶日在其家如今解帶金山寺且試中泠第一泉

上榮將軍

朱軒華鼓鎮關中鸞綺親承下九重玉節暫行留鑰事紫

袍仍帶尙書封秦王藩府施行馬

今滿城爲前明秦藩舊邸

渭上屯田養

臥龍黑髮三公今六十後凋眞似華山松

出入三朝久典兵尚方服御亦經營諸王玉牒皆姻婭上相
黃扉總弟兄進奉官家親授記故事尚方宣索皆有圖記其後
後復用白紙公筦內務府奏
復其舊傳宣妃主不呼名

惠陵一去龍髯遠說著宮車淚滿纓

忠謹平生弟一流

兩宮側席獎英謀御前貂珥皆廝養帳下偏裨盡列侯玉殿

斜封會繳進

指簾子庫事

香山佛寺罷焚修

歲乙亥兩宮議修香山諸寺估工六十萬

公一言

名臣言行當編錄史筆今誰嗣弇州

起家宿衛近鉤陳裘帶風流見性真少日春秋俱上口貴來
琴塵不離身指麾西域諸蕃將調護東林舊黨人謂幼樵屢謁
軍門捫蝨語心知景略在風塵

六月朔日于役省門車中作

黃塵如水轉輕車，卓帽前驅幾押衙。
坐褥葡萄天馬錦，行衣春草鬪雞紗。
簡書可畏如炎暑，詩境天然爲晚霞。
此去華清池上宿，溫湯幾掬濯蓮花。

秋夜雨中

單于三弄落譙門，疏滴桐階聽未真。
夜久繡簾長峯地，雨涼銀燭漸親人。
定瓷粉白宜佳果，蘄篔流黃怯舊筠。
自展方牀棋子褥，五更穩稱瘦吟身。

居室西偏別構一椽房，櫳新淨自題二首

蘿蔓新扶草棘，芟雕窗兩面碧花。
嵌香巢營就剛棲燕，畫舫修成祇欠帆。
虛白白闌雲母力，紫明新署焯兒銜。
春冬大有宣南意，暖炕松明火一椽。

蟾子朝來落鏡中，爐香如水罨房櫳。
袖羅孔雀臨風翠，窗紙

桃花映面紅溫李新吟書枕障姬姜故事畫屏風春來更擬
疏泉脈繞屋玻璃水一弓

距城數里有姜泉梁泉舊引入城
滿爲大池兵後堙塞已久擬復其

故道

早秋池上

簿領閒來倒接離更紆步履過秋池柳風吹鬢初醒酒荷露
研朱自勘詩館客解鐫名印字奚奴工折膽瓶枝蒲團打點
安心法一卷金經好受持

得仲彝徐州書悵然有寄

逍遙堂畔綠陰成坡潁當年聽雨聲我欲對牀尋舊約那能
飄泊到彭城

十二年申少別離

君戊辰至宜昌與
余訂交已非遠浙

如今華髮坐相思難忘

瑞草橋頭路同喫瓜犀炒豆時

贈西屏屬其迎瑤眷至渭

罷讀陰符謝蒯緱蕭然興寄擬閒鷗早從黃石知松子晚得
青箱慰隱侯作畫定須磅礴羸稱詩何有畔牢愁西頭別搆
三閭解能著柔奴鏡具不

奉懷愛伯師都門

四海靈光獨歸然杖藜花下見神仙從容對客松枝塵出入
乘驄杏葉鶻移竹近分童子寺飲茶遠致老人泉何時載酒
霞西路同橫方千島畔船

奉懷爽秋同年觀察蕪湖

紗帽于湖上闌干花影繁書舍十二意文儷五千言政美詩
能述官清道益尊開鷗他日至不敢避轅門

八月十六夜城上望月

尺八橫吹縹緲音滿衣風露此登臨丹如秦鏡無圓缺天與
柴窯孰淺深煙靄四垂碧羅幕山川全鍍紫磨金碧城十二
無消息空負闌干萬里心

幽事

曉露滋蘭箭秋泉展茗旗
綵雙服置供菊一軍持
近得吹雲畫新成賀雨詩
縣庭幽事足廉吏直堪爲

題西屏所繪洋川圖爲雲生大令屬賦

譚侯夜埽鵝溪絹洋州山水開生面漢帝乞與龍亭侯
後來析置黃金縣人物風流數隴西
管領華陽跨清漢一水環珠
陂堰深四山疊翠陰晴變
今年到官榴始紅池臺明麗煙草
茸署中開池最勝香花隄上迎仙客
鷗鷺汀邊識主翁側帽去尋修
竹寺放衙來趁綠荷風畫船一霎疑天上胥吏同時入鏡中

出門況有篋齋谷老可千年化爲竹秋堂晚飯錦綳香壓我
渭川千畝綠此圖寫君何鮮好馬上紅衫意思足已看帽影
過溪橋似有書聲出茅屋漢南風土勝平原阡陌交通雞犬
喧煙水一城繁獄市耕漁終歲住桃源君才故似丹淵叟洋
川況復相先後題詩直到水晶宮期君更作湖州守

喜雨

時西偏賓館落成
即以喜雨願之

嗚人思息陰旱地願得霖好雨如人意涓滴皆黃金蕭騷夜
轉急玉澗交泔泔竹牀信涼冷起攝黃袖袞秋階梧葉聲滴
入愁人心有如持熱斗熨彼故衣衿窗虛重泥錦絃慢更和
琴朝來酒生醖且復相酌斟

清渭一衣帶南北殊肥瘠河南雨如膏河北田如石稍遠界
蒲富畦畦龜兆圻不聞稻花香偶見吉貝白三農競嗜吻擊

鼓頷甘澤蒼蒼洵至仁好雨過三尺官師賀於庭婦子謹於
室雨足羣荷鉏驅牛行阡陌泥深沒牛腹獨澆耕轉力布種
纔一句已綠東臯麥何況豐原上千畦同一碧

縣東有常豐原鮮旱亦稔

太空亦何言帝力民不識吾堂適落成長謠娛賓客
定興公監臨鄉試時久旱得雨出闈答謝眾情欣悅敬

誌一首

煎茶院裏見斜簪喜雨亭中納翠嵐奎聚五星當隴右膏流
十日徧終南雅歌鳴鹿剛重九金簡投龍已再三

公撫陝祈雨數四每

禱輒

贏得秦人語音好公爲生佛我伽藍

贈婦

兩衙前後共清言巾櫛依依近十年祇候茶湯常夜半勾當
花事每春前宮詞替寫紅蠻榻家信親裁喜鵲箋總爲阿侯

嬌索乳清宵贏得對牀眠

暖閣

喫果看書夜臥遲老來結習尙狂癡官窻缸豆紅尤好端視
玫瑰紫亦奇紙閣香薰屏上畫竹窗燈照雨中棋古人屈指
誰相似插架縱橫白陸詩

用舊韻寄愛伯師

積雨秋階長決明虛堂閒聽煮茶聲桂蠹老去存真性松柏
寒來不世情臺閣史才劉貢父神仙經學范長生中朝耆宿
惟公在爭怪人間重晚晴

上翁尚書八首

綸扉家世勤華夷四十年來侍玉墀出入三朝稱國老周旋
二帝作經師君臣魚水同休戚父子鼇竿接履綦白髮內

人渾記得

顯皇親擢狀元時

密旨親承 長樂宮相門有相秉清忠藏名祇在金甌裏賜
第常居玉梳中賦就梅花如鐵石養成桃李是春風十年三
放長安榜多少孤寒待至公

採井熬波苦算緡司農憂 國鬚霜新玉卮已漏思填海鐵
路難迴屢乞身漢議歐陽同

上意苗錢司馬變前人

惠陵顧命分明在東第何心岸角巾

盛事科名四代齊青宮保傅近 宸奎諸家講義多經進一
品文章有

御題乞與貢貂仍帶膝 賜來宮硯必澄泥當年諫獵無留

稿出入

先皇手自攜

覃溪曠代接宗風漢宋并包少異同燕國聲名高許國益公
骨相似溫公鄒枚盡聚階墀下蜀洛全歸籠罩中四庫重開
勤考訂河間故相莫言功

謝公山澤美音儀寶晉英光照墨池名德已高師尙父閒情

猶寄畫書詩

或投真西山啟以齒爵德對師尙父節客笑之公曰師尙父謂可師可尙可父也

朝回

道服仍延客老去銀鉤更寫碑見說慈仁精舍裏雙松還發
手攀枝

前年上塚埽荷香旬月吳淞往復回金闕五雲初輟講黃花
九日且銜杯小車丞相尋詩出劍席

若王手詔催誰信吳船輕似葉傾都冠蓋問安來

已丑秋公乞假還吳

泊舟上海累日嘗乘小車游覽有
自書九日詩卷詳見於顧觀察所

遠荷奇章訊紫微春風自暖不須衣土牛在鞋行何蹇木雁

藏名偃不飛僕射鳳毛懷謝澹

謂哲孫籍夫同年

尚書虎爪譽王微

平生未見韓樞密終傍金門舊路歸

愛伯師曩評袁樊兩家詩集余既嘗答和刻入題襟集

矣頃居渭南歲晏稍暇檢視曩什殆難爲懷因次其

韻寄愛伯師都門

先生鑄淵如琢玉硤硤刮摩勝結緣彭宣每日後堂見許汜

諸人樓下宿桃李公門第一株清詩謬許天下無千金方得

龍宮秘百戰功成雁子都宣南舊廬擢煙篠銅瓶綠萼破霜

曉函關望氣今三年蓬萊不見迦陵鳥

自入關後未得踴書

我欲騎麟

朝紫京從公萬里東南行名山齊入少文畫佳詩盡付陶孫

評將從公之越兮稽山百丈懸冰瀑越女如花善歌曲將從
公之吳兮蘇州頽髻雙梨渦吳淞清淺橫秋波將從公於文
圃兮異書萬本青縑覆緹油茵藹芝花秀將從公於濠梁兮
蓴絲細煮鱸魚香筆牀茶竈登沙棠將從公而浮海兮大笑
久冷褚公齒不屑青蓮泥滓將從公而朝天兮鉅鹿納忠
慙亦妍鳳鳴一聲朝日鮮由來匏瓜忌不食非公誰潤星雲
色勿爲動氣因蝟蚌聖藥何假勃與洩廣川大儒引經義天
人貫串孫宏羞我慚漢殿呼郎出不值一錢程不識已教莊
助去承明猶欲玉筍挂朝籍祝公兩府輝貂蟬更遲十載歸
霞川趨朝定給靈壽杖應奉更寫金花箋伊余治獄如拉朽
亦有虛名在人口潦倒韉衫十四年

余自庚辰改
外十四年矣

唱酬風月

三千首

寄懷黃澈南丈

時致山居都下

廊廟山林志業同，老臣進退抱孤忠。
曲江舊憶緣仙客，頰上新名署醉翁。
憂國尙思除五蠹，壽身先已斬三蟲。
極知歲暮多冰雪，黛柏參天自鬢蔥。

寄仲改編修

黃童門內足熙怡，花萼樓前自畫眉。
妾是珊瑚郎玉樹，兄爲鸞鷲弟長離。
經傳北海門成市，硯授東坡父卽師。
二宋二劉俱侍從，星軺使節會雙持。

行縣至陽郭宿同年賀主事別業

驅馬上東原，山莊忽在目。
暝色趁歸鴉，寒煙起冬木。
村人迎馬前，勞折言貌樸。
街西好宅舍，汎埽止我宿。
小室若吳船，旣簾垂一幅。
井花滌茶器，燈煙薰畫軸。
黃楊何年種，蔥蒨圓若

踟暖笳松火明寒牆苔篆綠遺榮賀秘監結此檀橋屋我非
王子猷亦愛主人竹行庖具新餘下以冬酒濁片月窗際來
照我幽眼熟

寄李洋縣

使君佳興在蘋汀小吏鈔詩手不停官舍別開羣玉府

君藏書最

富法曹會坐念珠廳君久在甲寅青紙書仙訣子午黃金拱

縣庭未必散花妨學道好栽修竹待樵青

晴谷夫人至自吳下遠以南物見貽奉訊二首

情翁時幸醒泉

仍敬苦旱

典釵截遙大家風惠我青縑及紫茸引得阿茶謂頻學齋戴

水晶蝴蝶玉蓮蓬

成句

夫君憂旱禱靈泉夜奏通明上綠箋帶得江南春雨否好來

官閣溼茶煙

答爽秋觀察見寄

山公非隱仍非吏自寫新詩勝國門往日青山吟謝朓於今

姑熟仗桓温集中菊水流何遠

公表章鄭縣菊潭屢形篇咏

貴後松風夢

故存密邇全椒受恩地祇應迴馭爲桑根

温岐奏罷湖陰曲人物千年見謫仙白紵溪邊花鳥哀可兒
墳上草芊芊蛟門待戮千鈞弩馬上傳觀七寶鞭勝日軒窗
開滴翠玉皇應是念庭堅

原作

袁 昶

江干水滌洲清出遠道縣縣風色寒濁酒愁傾銀鑿落
佳書忽枉青琅玕顧我氣象已摧塌羨君才力猶騰騫
渭南滿縣花垂發焉得凌風生羽翰

夢君手把綠沈管題徧秦中寺寺樓一片寒陵共誰語
五千柱史媿冥搜逸才豈止過絳守倦翻晚欲尋丹邱
怯和新詩酬眷顧久嫌句律似蝓蚌

爽秋觀察寄示近作適歲晏稍暇輒復次和凡兩夕得
詩七首

奉和九月初重至皖僦一破屋而居

澄江如練帶通閩坐對煙中碧玉鬢老圃寒花香較晚秋風
茅屋夢初還門前蠅集千官刺天際龍眠一角山剛把籬廬
比仁義尋常一宿亦開顏

原作

堞枕長江峭倚闌人家高下簇螺鬢銷沈吾已忘身世
茶役誰相訂往還破屋聊同玉川子叢談試糾鐵圍山

夜分萬籟聲俱寂
秃筆拈來一破顏

奉和移西晴望

霜林殘照逼人殷
破屋茶釜斲得閒
斂版西來綠底事
譬如閒看皖公山

原作

江上楓林秋未殷
秋深風物已蕭閑
試問北戶支頤望
稍見龍眠一角山

奉和戲贈同年台州王子裳太守

天台有玉女
顏色如朝霞
王子控鶴來
吹笙載還家
爲點眉心黛
親安髻上花
調羹多翠物
讀曲善紅牙
夫人工一做皖填詞
公屋漫撈春
清鰕郎乘五花
馬妾駐七香車
宵御合歡被
晨趨長官衙
伙侍二青衣
修眉侵鬢鴉
夜屏金孔雀
春衫玉辟

邪時時雙鳳釵倒挂烏巾斜憶否同袍客遠種青門瓜孟光
自椎布銀鹿解嘲啞不聘茂陵妾何借守官砂臨汝亦修道
端居鳩水涯隨身欠春草無玉倚秋葭始悟王子喬得非神
仙耶

原作

君拋胡麻餅來餐曉公霞一囊粟不飽著書空滿家載
得鴟夷舸溪女顏如花社日無可遣東郭嘲呌牙我落
春穀溪天遣尹魚鰕身心兩槁木亦罷鍊河車朝浮射
蛟江午趁排蜂衙斂版尻益高逆旅栖如雅疲茶不相
見獨宿思無邪清風動簾夜微月映窗斜思公隔一塵
望子如匏瓜何如寒與拾石壁題嚶啞何似錙將阮拔
宅領丹砂徒爲兩禿翁生役智死涯萍逢此江國粉蝶

聽鳴菽豢託山公迹更隱詎非耶

史稱山巨源更非吏隱非隱委蛇順時心

存事外獨保浩然之度

和五代楊景度詩帖

楊詩云院似禪心淨花如覺性圓自然知了義爭肯學神仙

蒲團閒裏坐茶夢定中圓花雨來天女松雲養地仙

平生鍊金液自詡玉胎圓誰料安期子裁爲九等仙

原作

人海喧中寂幽陽織復圓無心遇土淨有酒學頑仙

露葉瑩逾潔風花碎又圓疲牛解金絡試叩華陽仙

和李西臺觀東明寺後楊少師書壁詩

李詩云枯松倒槍一千尺

松煙磨煤陰雨寒我亦生來有書癖一則入寺一則看

世人祇賞韭花帖佛屋苔荒松麝寒題名莫認楊風子祇當

冬心畫竹看

金壽門自題畫竹云莫將蒲葦輕相比此是楊風子草書

原作

別無可語蟲沙幻祇有東明粉壁寒
略得顛張春草意
風簾葉几試頻看

奉和陪仲修遊廣濟寺登赭山絕頂卽送之鄂中三

十韻

老輩劉原父詩宗六一翁逢迎秋水外
契闊酒杯中
緝豸巡

江甸猶龍在太空
聽蠟屐吹律應黃宮
窗竹鳴佳雨
幡

鈴動遠風休
錢供作達平世利和戎
燕湖昨至
案近極安謐
佛寺依紅

樹仙岑倚碧穹
仰攀逼援徑俯視得鳧深
居士官仍達高僧

隱豈充石如周
獨禍寺有崩
年幢二
僊擬漢金銅
則劣虛窗見深幽

曲徑通秋茶
烹雪水煠磬出
蘭叢苔壁詩初就
雲房別太恩

旌旗迴赭岸
姓字刻蒼籬
離思盈鷗水
高情悟鶴籠
鳩茲帆

影動鸚鵡賦才工節度今嚴武文章昔孔融楚鄉魚正美姑

熟蠟初紅去作菱湖長仲修別主經心書院在菱湖寺前甯忘春穀封交期

黃菊淡眼力素書窮箋尾題霜橘琴邊送晚鴻好春孤麴米

寒色下梧桐句比江瑤俊心猶佩劍雄皖中倚韋虎闥內念

終童吏事深扶獎詩林費折衷古人同趙嘏來書以倚樓爲比今我

異田豐雅羨丹邱子來詩有欲尋丹邱之句相邀黃石公萬千森氣象

十五議圍攻不少天涯恨馮能月下逢祇應蘇米聚西向說

文同

原作

名藍出郭見步履兩衰翁秋色橫相迓村醪試一中縈

紆度林表呼吸薄霄空丹橘垂庭實青蓮霽梵宮寒山

從怪咄槃持豈宗風閣內有風魔衲子亦知敬客疲瘵如靈運談諧

到阿戎

連日子微病譚世兄及兒子構梁從

層軒聚遠景列岫軋高穹絡

圍成奔轅迴環飲壑深柱維形勝壯寵拯道情充雲摩

黃山峽天摩碧海銅濤圍赫岸圻徑轉赤華通人語魚

蝦市嵐光紫翠叢巴驥飛鞚往酒姥玩鞭兪虎踞前朝

皮豬滂大冢窪

縣東北周村有王散大冢

書丹宋幢在滴翠古軒籠

耕出戈鋌鏞瑠餘筆仗工

寺外有兩石經幢一大中十二年一乾符六年滴翠軒踞

寺之巔黃帝翁讀書處意文節自戎州召還爲太平州日嘗相息於此耶

江流眈吳楚積氣

動昭融叢荻搖疎紺攢楓出小紅行廚深竹裏

王大令送酒肴

至嵌碣綠苔封危塔影斜蟲環洲浸不窮蕭閒冠野籜

心迹送孤鴻白雪樓思郢客星臺憶桐劍心離合乍詩

境鑿開雄淨業栢初祖玄言問小童濁醒無此客流別

寫深衷畏壘憂民癘庚桑願歲豐慚非鷓冠子去逐鹿

皮公旗鼓甯堪敵，孤虛笑待攻。楚游荀况老，嵩少尹侔逢。還似龍門雪山行，發興同。

歲晏幕友都去，因留西屏度歲二首

承吉連年伴紫微，渭南水竹未全非。敲鐙一任紅窗怨，邀勒金鞍歲後歸。

讀畫評詩日幾回，水仙才放臘醅開。華州荀子青如玉，留共春風卷餅來。

寄壽愛伯師二首

下值欣開問字亭，忍飢仍草太玄經。料飛身自躋霄路，正諫人猶憚歲星。廐馬久乘非夜白，庭柯手種是冬青。香山廣大傳盟主，無取三閭號獨醒。

勾管羣仙住大羅，春花秋月極婆娑。蕭閒鳳唳重監試，前後

雞鳴兩作歌舊疾蠲除辭百藥新詩收掌付雙荷風流儒雅
前無古漫以西河儷老坡

禹鴻臚爲劉西谷先生畫風雨聯牀卷子有陳午亭徐

亮直查初白王樓村諸老輩題詠癸巳小除日得於

渭南因次徐韻二首

鴻臚寶墨抵連城官閣呼鐘覺眼明畫裏佳詩頻屬和國

初諸老不勝情當時黃葉菴中雨今日青門社裏萍余嘗與西屏晴

谷諸君爲詩會號日青門萍社幾尺生綃間春蚓倅錢端爲米船輕

文章官職並華年西谷縣侯兩先生同在翰林枕簟秋牀減夜眠在烏鴉

雖借鶯鷺入林平仲伴君遷燈枝隱隱搖書幌蘿雨微微溼

篆煙二十三年花萼淚小除開卷一悽然先兄歿於庚午

附記

昔辛巳九月余自長蘆運使事竣旋都季弟郝侯適自

秦中來劫舍，依依相樂也。一日禹鴻超過，訂戲紫爲作。此酒蓋以東坡與子由夜雨對牀之意云。謂及十一月，忽奉先妣諱，星奔而歸。明年五月，復遣先君之纓，鑿羅大醕，痛殺滅性。兄弟六人，莫莫感次，每當松楸風雨之夕，談及斯圖，疑以爲滅。今服除後，弟宗華重一展閱，未嘗不相感而悲也。且余山澤之癯耳，假以丹青，猶如枯柳，然當時觀者，皆以爲肖。今降割之餘，僅存雞骨，其神氣之支離，形容之憔悴，求如圖中，故吾又已不可復得矣。痛昊天之間極，嗚呼序之不留，撫斯圖也，有焉焉。霜露之感焉，故序而存之以示愛我者。

附詩

陳廷敬

周雅材各三十六，誰其兼之賢。所獨銷京，辟癘鳳來鴻。委以墟麓，理釋竹門人。暗廢蓼我，闕小弟勤溫，香令熟。况也良朋，發示歎披圖。誦詩心眼寬，彭城雨醜連牀。夢上西春，消大被寒百尺高。松蔭池草席，門倚與清風。掃畫中風貌，句中情十年猶似當時好。我生飄落如飛雲，君才揮灑成龍文。條華青蒼接王屋，白雲來往常思君。
徐葆光

凄淒風雨時，王城一點秋燈夜。半明同破尚，餘千里夢連牀。且慰兩人情，雪鴻何處會。留瓜人海無端，忽聚萍判得十年遊。計在歸來真覺一官輕，身世參差又六年。重來此地對牀眠，披圖無復形容似。話書空驚日月遷，歲暮鄉心秦嶺雪。天涯旅雁楚江煙，黃雞唱曉殘燈影。三處相思各惘然。

郭鈺

二妙因依在禁城一牀相對雨連明影粘燈穗平生語
夢溼茶煙故園情天外斷行猶有雁人間會面偶如萍
幾番烏帽黃塵際回莫浮雲聚散輕
陳迹接娉幾斷年畫圖應重命龍眠共看鶴貌如雙璧
豈乏雲造各九遷馳馬門閑來舊雨進賢冠較滿凌煙
平生滄海疎兄弟對此聯華意惘然

王式丹

前度玄都又帝城連牀聽雨記分明縷哀絳帶頻年淚
絮語燈枝此夜情駭言驚駭鳴稀荷池塘新漲聚流萍
六詩三筆皆名士眼底浮雲豈重輕
清標玉局幾經年且共巖城襟袂銀篋行並留經術貴
顏容莫訝歲華遲夢隨燕路適秦嶺坐對秋風颺曉煙
許我相尋詩酒伴披圖換景目蒼然

宋 岑

兩蘇聚彭城別緒兼悲樂何憶左司詩對牀尋舊約劉
君謝使事客歡開官閣第白關中來一笑慰索莫宛在
道遙堂趁校甚花夢寫出夜語圓籬怯境如昨老屋紙
窗鳴北風中宵伴長松流鶯滿珠竹捲殘籜燭跋雨未
停門外暮寒何處見煮茶時但醺有深記

查慎行

我恨不知道清雁行外翠翠飛不歸又恨不如同隊魚
朝朝在藻還低漁可憐兄弟如相避萍梗沈浮劇兒戲
壯年作客眼空任投老茫無歸宿地偶然風雨一連淋

惴侯勞勩說奇事平生怕讀頽淡詩中有傷心幾行泪
二劉先生今二蘇才名宦跡雨不孤有生聚散誰免得
看取對牀聽雨鬪長公秀骨仙之腥次公自哲豐而賦
題詩尙俞成頓頽令我展卷增嗟吁閩河兩距四千里
正坐一官爲累耳不見伯淮季江屢詔徵不起肯以元
纒易布被

迴憶清秋聚

帝城連林笑語尙分明

劉濶

時風雨丹青

趣他日松楸骨肉請老去形骸同朽木重來踪跡似浮
萍白雲已斷南陵廢灑淚人間萬事輕
樵悴懷沙忽雨年蕭條白日看雲眠思歸空負城南社
發憤誰憐太史邊陋巷春風吹舊雨故鄉疎樹隔寒煙
鶴原幾處悲離別把得君詩倍黯然

歲除前一日有人持張芥航河督蜀岡紀遊圖求售圖

爲錢叔美畫陳石士作記芥翁自題七律五首陶文

毅公以下屬和者凡十人真瓊寶也又有胡允思畫

願遊十圖冊子吳蘭雪各系以詩併以善賈購之自

余入關張氏二竹齋蔡氏墨綠堂書畫碑帖歸余篋

衍者不下數十種而錢畫尤高秀麗密褻嘗得其聊
川圖剛與此圖作儷錢以癸巳畫余適以癸巳得信
墨緣矣除夜不眠次圖中韻據懷誌幸不專詠蜀岡
也行當寫寄愛伯師仲修爽秋兩同年和之以重此

圖

紫蘭堂裏一年過吐納煙嵐鬢未皤會計錄中碑目在

余嘗以重

直購大觀帖及曹娥
化度東林嶽麓諸碑

簿書堆裏畫人多坐收五嶽真形本屢

唱三郎得寶歌經案蒲團間活計漫勞天女問如何

松壺老子箸書遲

錢有松壺
畫跋三卷

水石真煩十日思詩學紫薇畫

青蚓管名珎竹硯紅絳寫伊僧院看花照佐我風簾暖茗時
收入倪迂清秘閣肯將奇寶託波斯

平生未到竹西頭夢想蕭梁文選樓會對松寥清夜月坐看

瓜步隔江秋

庚寅歲遊焦山公未至揚州為憾

宋人乞郡多思穎漢室疏封

或願留我亦甘為五泉長

第五泉在蜀岡上

平山堂下狎盟鷗

宣廟承平樂未慳老臣憂

國損蒼顏

陳侍郎記陶文毅當詩均寓盛衰之感當

時已歎桑生海今日猶餘花滿山淮海風煙常黯淡畫圖中

塵自蕭閒但求此地為常住除卻桃花百不闌

國中桃花華景勝

長恩聲裏值良辰舊卷新篇次第陳邂逅蛇年成雅誥遠巡

雞日換新春衣冠誰復憐任昉

芥翁子孫式微特甚

人物卿真過仲醅

余嘗謂松壺人品詩畫遠在陳眉公王百穀之上

今夕祭詩兼得畫玉梅花下拜清

塵

附記

蜀岡紀遊圖者余同年友張芥航河督紀其與余遊之

圖也時維癸巳之春余奉命視瀾江學路出江淮既

與芥航相見於袁浦別去會芥航勸工於高郵賓應開

與余復相見於揚州俞陶泉都轉乃招與同作蜀岡之

遊初就桃花菴飯飯訖登舟至平山堂徘徊久之循西

徑訪第五泉泉不可見矣有欄而標識者非泉之所出也出登舟沿澗以求盡湖之勝而三賢堂高詠樓皆不可登惟遙見其欄檻基址而已芥航慨然謂昔嘗及其盛時今頽敗若此盛衰可感不獨爲遊覽慨也翼日與余別芥航返清江而余來杭州視事之暇偕海帆中丞課士於詠經精舍登第一樓謁文瀾閣朱子祠問昔所謂小有天園湖心亭皆頽敗不可遊乃彌憶芥航語與海帆歎息者久之余數十年前於蜀岡於西湖皆嘗遊皆非其盛時而已覺其衰之可感若芥航之會及其盛而今遂見其衰其爲感自尤至矣夫池館亭臺之盛衰遊觀者之奇興而不足以及爲事之重輕亦足驗物力之豐絀人事之廢興焉設有能修復池館亭臺之舊其不獨可資遊觀者之歌詠且足以見物力之轉移而爲豐人事之自廢而復興也夫物力人事之轉移出於天而亦由於人其權非遊觀者所能操而操諸司牧斯民者之心且天下事固有見於此而驗於彼者然則芥航賦詩所謂我輩艱虞同此日其可謂不謬諸氣數之偶值而有自任其轉移之權之心者耶芥航屬余爲之記園中五人孫賈山太守益鄒公眉觀察錫浩俞開泉都轉德淵而芥航與余也芥航未得至西湖而有願遊園余嘗題之詩今以此記視海帆海帆其亦有感於斯也是爲記

附詩

卅年前此數經過今日重來髮已皓溪水碧添新雨漲

張井

桃花紅比舊時多剛逢晴舞宜登眺况有賓朋足頌歌
要繼王盧良宴會主人情重更如何
長橋曲港路逶迤到處停機有所思當日池臺非草草
今來楊柳尚絲絲雲塵變滅偏多態歌吹喧闐又一時
莫把名聞求補記湖山面目本如斯
三賢祠畔聚遊頭看桂遠宜高詠樓佳日頓煩來士女
名花香自占春秋而今指點顏垣是剩有桎梏怪石留
更望江園何處所荒寒煙草立沙鷗
春寒花事怨天恹賴有凌梅一破顏壁上留題多舊雨
樓頭失喜是蓬山迎門衲子鹿乘熟入畫村童牛背閑
徒倚潭忘歸樵晚蒼然暮色滿江關
連珠人數合星辰不速恰來驚座陳我輩艱虞同此日
古來遊賞重三春多年舊蹟如尋夢一夕高譚勝飲醕
醉後題詩君莫笑雪鴻聊自恨前塵

陶 謝

去年解甲平山飲人笑將軍負腹橋今歲行春張老至
客傳名士聚星多園林涉趣宜佳會風雨同聲有和歌
獨我來時津莫問桃花流水恨如何
野塘滑笏日遲遲指點芳遊有夢思草色綠回煙外展
花光紅繫雨中絲卽看竹院逢僧處何似蘭亭敘禊時
若過北湖詢策跡苔紋零落蝕秦斯
憂 國煩煩雪上頭近聞安穩到黃樓隆隄已見薪能
屬望歲行看麥有秋底事子規催去急相期款段爲羈
留釣竿我亦江湖客極目滄波羨白鷗

風月揚州未破怪年來問談少權顏亭臺幾處涵煙水
官府何從策海山但語繁華生縫綵可能寂寞是寬閒
笙歌怡聽垂楊外得意禽言樂自關
貪看美景復良辰轉眼圖中述又陳座滿向來人不速
談深猶領氣如春漾魚欲羨借莊樂園草誰窺學董醅
珍重踏歌潭上惹詩成餘韻繞梁塵

郭鶴微

煙月揚州幾度過當年綠鬢已成皤薄才我愧風塵久
名世公眞事業多上策會傳治河畧行春又聽踏青歌
歐蘇不作王盧杳定向樽前喚柰何
識而今生幸未違名山足慰十年思蘭亭書法高天關
漢代文章妙色絲說士過於韓吏部通賓豪似鄭當時
誰言風雅今消歇海內龍門卻在斯
憂勞漸見雪盈頭著述還教付選樓清與冰壺眞一色
書成金篋亦千秋谿山有願歸圖畫琴鶴隨身任去留
威鳳九霄鷗鷺萬里那知心迹本閒鷗
同遊未覺勝絳帳暇日登臨一破顏橫海老梅香北宋
隔江新翠見南山水邊魚鳥恣幽賞花下琴尊許暫閒
淨掃甚時歌吹昔錦紗清詠滿禪關
華筵許我酌芳辰風流頻年敢畧陳媿媿忽罷言似屑
蓬蓬陸覺氣生春閒逸舊雨聯情話快讀新詩勝玉醅
他日金焦如踐約願隨杖履侍清塵

難得名聞杖屨過先生猶未髮幡幡二分明月滿依舊

齊彥槐

十里春風柳尚多勝地由來入圓畫雅遊原不借笙歌
東南池館都寥落莫爲揚州喚奈何
玉鉤斜射客行遲白墻紅橋繫夢思高閣不來花似雪
扁舟重到雨如絲衣香人影勿匆處檀板金縷欸欸時
吹得一池春水皺鵝河愁煞老波斯
淮南江北海西頭是處人家起畫樓曲沼芳荷風送夏
小山叢桂月延秋百年世事真無定六代繁華不可留
當日玲瓏萬金買蕭蕭蘆花雁羣鷗
卅年仕宦勝綠慳况有夏朋共笑顏對酒在他雙鬢雪
過江惟此一拳山綠營河海心殊苦消受雲煙夢暫閒
豈爲官梅動詩興忽思東閣叩柴關
燈前孤客數良辰那上題襟迹已陳紅藥閣亭非曩日
綠楊城郭又殘春閒披畫卷將遊續細詠詩篇似酒醺
便擬相從剡川去白雲深處少風塵

讀罷新詩意惘然繁華回首已如煙青苔半沒題襟館
荒池會停載伎船寂寞瓦橋偏入畫淩淩風柳未成絲
酒人名士都零落觸撥閑愁五十年

元旦微雪次西屏韻

絳幘一聲天始旦朝元驚起湯睡漢履端正奏祥風來昨宵

不見明星爛俗言除夜陰晦去年秋雨冬無雪林澤頗資紅

錢杜

粟散纖兒幸災作危語使我不樂對元歎正當努力事春作
底用殷勤述夏諺朝來山意特蒼寒風絮微沾青玉案會看
兩玉復雨珠二麥怒生如抽箭不惜銅街燈事妨且喜茅簷
菜色變漢家離宮三十六燕歡鶯喜花如霞瓊瑤坐令貧眼
詫醞醐遂酌渴吻徧吉語紅椒頌幾巡苦吟綠茶淪幾片賀
雪擬作開府表曰臣誠歡復誠忤正須滕六久回旋斂兵勿
與玉龍戰

和西屏守歲之作

臘鼓爭鳴燭影紅剪花貼燕待春風楚秦燕判三除夕書畫
詩歸兩寄公雜紙補袍憐庾信余與君一冬不裘零縑作韞笑文同
君畫債甚多二年學畫宗資諾孟博由來在幕中

春夜坐雨

二月東風杏子初譙門晚鼓動徐徐蔬香小摘纔供餅蜜炬
雙紅恰映書畫淡詩濃香漠漠酒醒花睡雨疏疏暖簾莫上
銀鈎蒜一種春寒水不如

次韻酬六溪院長見寄

流沙去矣李伯陽南海悲歌處仲翔揚雲不返魚鳧國季鷹
空憶蕩鱸鄉我友英英竹林秀龍鸞高致輕山王江南黃葉
好村落側身關隴心徬徨深衣藜杖手周易講學東湖春水
旁濁醪時有王宏乞謂青生鳴瑟還同會點狂不隨計吏趨舉

場羅橫下筆言蒼涼故人侯霸詢蹤跡朝士貞元惜鬢霜人
閒歲月區間忙火中蓮萼愁韓湘幅巾湖上狎魚鳥憐余手
版今郎當乘軒勞勞單父宰閉門穆穆田子方故園白鏡無
人把十晦圩田春薺荒清淮左側釣魚處年年紅蕖含餘芳

黃鶴西來報消息舊松今已拂簷長

奉懷小村中丞臺灣

五色雲蟠鹿耳門尚書劍履動星辰島環四面玻璃海花簇

全臺錦繡春地控朔南開幕府臺屬自建行省設台南台北二府番無生熟

盡降人西夷絕國天驕子低首中朝社稷臣

紫樞家世冠東南橫海飛揚破浪帆幕佐肯從流外辟帥符

仍帶侍中銜用韓魏公故事閒持斑管臨鍾傅坐命青衣摘阮咸蕩

定鯨波三萬里好歸臺閣曳顏衫

賦得楊柳共春旗一色得林字甲午三月大考翰詹題擬作

芳園一色皆煙樹上巳爭傳法從臨萬乘旌旗迴灞岸千株

楊柳入華林中閒馳道遮黃緞左右鷓行覆綠陰盤馬路從

雲外引濯龍池憶雨中深風初暖處齊舒碧露未乾時盡鑣

金迺邈秦皇開翠鳳迷離王母降青禽春山北苑浮佳氣秋
水南昌有嗣音今日靈和重獻賦好將羽獵恩

宸襟

寄余壽平編修都門

蕭然三徑翳煙蘿閉戶心期水不波中貴久將風漢待近詩
還付雪兒歌攤牀喜見書三蠹余嘗語君舊書有少蛀孔者佳過市親携墨
數螺見石崇奴券太華秋高起鵬鴉盼君持節渡黃河

暑宿讀劍南詩因效其體

閒官而月謝巾裾在處簾櫳做碧虛散髻招涼便夏晚叢編
引睡愛虞初砂泉細淪丁阮荀紫菜偕烹丙穴魚自就清池
浴端硯故教松麝澣芙蓉

今年二月舉一子六月又添一孫老夫遂有三子五孫

矣喜賦二詩

錦祿雙嬰欲鬥妍，曲江紅杏液池蓮。後先各以庚寅降，大小均同戊子年。子舍敢誇三鳳起，孫謀分占五經傳。累人自古惟婚宦，無分江湖作散仙。

五嶽煙嵐未可親，眼前慚愧華山雲。得閒味比嘗糞美，漸老情於舐犢殷。豪氣總因田舍減，狂名不願汝曹分。何時歸釣東溪水，日課兒孫理舊芸。